

Ш.Қ. «Ерсұлтан» жеке «Балбөбек» бөбекжай балабақшасы.

Тақырыбы: «1-қыркүйек Білім күні»

Өткізген : Д.Ә.Тлесова.

2024-2025жыл

1 қыркүйек - Білім күніне арналған салтанатты шара

Мақсаты:

1. бұлдіршіндерге Білім күні мерекесінің мән - мағынасын ұғындыру;
2. мерекелік көңіл - күй сыйлау.

I. «Көңілді балалар» биі орындалады.

II. Ән «Күмбірле, қоңырау»

Бала: Балабақша есігін

Үшке тола ашқанбыз.

Балапандай мәпелеп,

Өсірді бізді бақшамыз.

Бұл - екінші үйіміз,

Бір туғанбыз бәріміз.

Біз осы үйдің сәніміз,

Біз осы үйдің гүліміз.

Тәрбиеші: Қош келдіңіздер, құрметті ата - аналар, балалар, барша қонақтар!

Бүгін - 1 қыркүйек - білім күні. Мерекелеріңіз құтты болсын!

Тәрбиеші: Биіктерге бастайтын асқаралы

Әр жүректің сүйікті, асқақ әні

Мерекеде бәріміз бір дауыспен

Шырқайық бақшамыздың әнұранын!

Балабақша әнұраны

Тәрбиеші: Бүгінгі білім күні мерекесімен құттықтау құрметі «Ақбота» шағын орталығының әдіскеріне ұсынылады.

Құттықтау сөз

Тәрбиеші: Білім бастауы - балабақшада. Ендеше бүгінгі мерекеде тағы бір әнімізді балабақшамызға арнайық!

Ән «Бақытты баламыз»

Жеке ән «Мен әдепті баламын»

Тәрбиеші: Енді біздің балалардың білім алудың маңызына байланысты айтарларын тыңдап көріңіздер..

Білім керек бәріне!

Ф. Оңғарсынова

Корабльді басқарып

Көк жүзіне самғасам

Тауды бұзып, тас жарып

Мұхиттарды жалғасам

Таңдандырап бар елді

Ғажап үйлер сала алсам

Жасартатын әжемді

Дәрі де ойлап таба алсам....

Сырлары көп ғылымның

Шешілмеген әлі де

Тереңдігі білімнің
Керек екен бәріне!

Білім

Білім - менің ертеңім

Өсу үшін өркенім

Жүзем оқу - айдында

Жайып білім желкенін

Қиындықтан өтуге

Армандарға жетуге

Білім алам ерінбей

Еліме қызмет етуге!

Тәрбиеші: Жарайсындар. Өнерлерің өрге жүзсін! Бүлдіршіндеріміздің өнер, білім үйреткен, сүйікті балабақшаға арнаған кезекті бір әніне кезек берейік.

Ән «Балабақшам - бақұям»

Тәрбиеші: Жаңа оқу жылын қоңыраудың сыңғырымен бастау - жылдар бойы жалғасын тауып келе жатқан қалыптасқан дәстүр. Ендеше биылғы 2024 - 2025 оқу жылының қоңырауын қағуды кішкентай бүлдіршініміз..... ұсынамыз!

Алғашқы қоңырау соғу салтанаты

Тәрбиеші: Шырылдаған тыным алмай

Қоңыраудың үні қандай!

Мақсатына жете ме адам

Оқу оқып, білім алмай?!

Ғылымның көп тас қамалы

Ғалымдық та асқаралы

Бар білімнің нұр бастауы -

Балабақшадан басталады!

Бүгінгі мерекелік ертеңгілігіміз осымен тамам. Ден қойып

тамашалағандарыңыз үшін көп рахмет! Баршаңызды балабақшамыздың білім бағына шақырамыз!